

اداره مخصوصه  
درسعادتنده باب عالی جاده سنده  
محل اداره :

# مستطابق

دین ، فلسفه ، ادبیات ، حقوق و علوم دین باحث هفته لقا رساله در

اضطرار :  
مسئله گزوه موافق آثار جدیده مع المعتبره  
قبول اول نور  
درج ابدلین آثار احاده ارتقار

مؤسسه لری : ابوالعلا زین العابدین - ح . اشرف ادیب

سنه لکی	التی آیانی	درسه دنده
۶۰	۲۰	ولایاتده
۸۰	۴۰	مملک اجنبیه ده
۸۰	۴۰	

تاریخ تاسیسی :  
۱۱ محوز ۳۲۴

درسعادتنده نسخه بی ۵۰ پاره در

قیرلهدن مقوا بورو ایله کوندریلیرسه سنوی  
۲۰ غروش فضله آلنیر

درسعادتنده پوسته ایله کوندریلیرسه ولایات بدلی اخذ اولنور.

ایکنجی جلد

۱۶ ربیع الاخر ۳۲۷ پنجشنبه ۲۳ نیشان ۳۲۵

عدد : ۳۵

اما آجیق یرده طاغده، بایرده اولورسه انسان دونی ویریر، انجماد ایدر. اونکچون مساعده ایدلمش. ایشته بو حکم بو آیتدن آنمشدرکه ایلروده دها تفسیر ایدنه جکر. بوکون بو قدرله اکتفا ایدلم.

۵۰۰ بحی درسک صوکی

اطه ونمه و سفه سی حقنده. صراهم علماسندن جام لازهر شیخ المشایخی شیخ سالم لایق ایدی حضرتلی طرفندن تحریر ونشر اولونان اصالح طایفه: « بعض اهالی اسلامیه نك اناطولینك بعض جهتلرنده (اطنه، طرسوس، حلب ولایتده) اهالی عیسویه حقنده قتل ونهب کبی تعدیات اجرا ایتدکلرینه دائر محلی غزته لرنده غایت محزن ومؤسف برچوق حوادث نشر اولیور. بو حوادث الیمیه یی او قورکن صحنه اینامق ایسته میور، وقوع بولامش اولسنی تمنی ایدیورم. چونکه دین مبین اسلام مسلم، عیسوی، موسوی هپ مساوی اولق اوزره هر درلوعداوتی نهی، بغی، سفک دمایی، غیره ایصال مضرتی قطعاً تحریم ایلر. ای اوجهتلرده وسائر جهتلرده مقیم اهالی اسلامیه! جناب حقه شریعت غراسیله نهی بیوردینی حالاتدن حذر ایدیکز. سفک واهراقنی تحریم ایتدیکی قانلری دوکدیر میکر. مخلوقات الهیه تعدیده بولمیکر. زیرا جناب حق متجاوزلری سومز.

وطنداشدرکز حقنده هانکی دیندن اولورلرسه اولسونلر حق وعدالتله اجرای معامله ایتدکدینا مجبور سکز. الله عدالتی، حقایقی سور. ای مسلمانلر، دینکزه حرمت ایتلیسکز. جناب حقه کتاب مبینده فرمان بیوردینی احکامدن ذره قدر انحراف ایدرسه کز غضب الهیه دوچار اولورسکز. خرسیتان وطنداشدرک، اوزرکزده حقوقلری وار. او حقوق دیناً مقرر در. آنلرک حیاتلرینی محافظه ایله مکلف اولدیغکز کبی جامع ومسجدلرکزی نصل محافظه ایدیورسه کز آنلرک کلیسالی رینه اوصورتله محافظه ایتک، بونلره وقوعه له حق تجاوزی رد و دفع ایتکده سزک بورجکزد. امین اولکزکه هر هانکی بر مسلم کندی وطنداشی اولان خرسیتانه تجاوز ایدر ایسه اومسلم جناب حق طرفندن هر مسلمک عهده سنه تودیع وترتیب اولنان عهد وميثاقی نقض ایتمش عد اولنور.

اگر اطنه وسائر جهتلرده وقوعی روایت اولنان قتل عاملر صحیح ایسه بو احوالک مرتکبلری جناب حق، حضرت پیغمبری اغضاب، شریعت مطهره یی پامال ایتمش دیمکدرلر. دین مبین اسلام بوکبی محارمدن نفرت ایدر. مرتکبلرینی اسلامیت شرفندن تجرید ایلر. امید ایدرمکه مسلمان قارداشلم بوسوزلریمی ایشیدرلرده بو دین عالی اهلی لیکدار ایدن، اغیاره بالطبع سرمایه تشنیع اولان اوکبی افعال مؤسفه نك بردها تکررینه میدان ویرمزلر.

§ عالم جلیل مشار الیهک بالاده کی بیاتنامه سی کزک اطنه وتوابنه، کزک حلب ولایتک وقوعاته دوچار اولان اما کن معلومه سنه تلغرافلر ایله تبلیغ اولمشدر.

«صباح»

ابوالعلا

هلال مطبعه سی

حرامه میل ایدرسه ک، سفاهته انهماک ایدرسه ک نفسی محو ایتمش اولورسک. بر برینک مالنی یمک ایچون انسانلر کندیلرینی هلاک ایدرلر. ذاتاً مال جانک یونفاسیدر. کوریورسکزییا! (لانا کلوا اموالکم، لاقتلوا انفسکم) الله ایکسینی بر آیت جمع ایتمش، مالی تقدیم ایتمش، اکثر تجاوزات ماله در، اصل مقصد اودر. ماله طمعندن طولانی بر انسانک جاننه قیلیور. الله فسادک کوکنی کسور، بر برینک ماله کوز آتارلر. صکره بر برینی قتل ایدرلر. یاخود بریسی برینک ماله تعرض ایلدیکی ائساده، غضب وسرقته تصدی ایتدیکی هنکامده قتل واهلاک اولنور. هلاک مادی، هلاک معنوی. غضب وغارت ایچون نیجه خانمانلر سونمش، مقاتلات عمومیه کترتله واقع اولمشدر. کذلک رشوت آلق، قار اوینامق نهایت هلاک سبب اولور. یا محکوم اولور. توقیف اولنور. ایشندن کوجندن قالیر. قار جیلقله خانمانی سوزر. دشمنلر پیدا ایدر، جاننه قصد ایدرلر. بویله غیر مشروع صورتله حقوق ناسه ال اوزاتقی هلاکنه سبب اولور.

بعضیلری علی الاطلاق تعمیم ایدرلر: هر بر شی که باعث تهلمکدر. بعضاً قتلاده مؤدی اولور. اونی یا عمیک. بومعنا شریف یوقاریکی آیته مناسبدر. روایت ایدرلر: اصحابدن عمرو بن عاص حضرتلری برغزایه کیتدی. زمان سعادتده امیرسریه اوله رق کندیسینی کوندرلیدی. غالباً ذات السلاسل نامنده کی غزوه مبارکه یه مأمور اولمشدی. لکن قیشه تصادف ایتمش، کیجه لری غایت صغوق، هواده برودت زیاده اولیله بر هنکامده اصحابدن بر چوق کیمسه لر معیتنده اولدینی حالده رسول اکرم افندمن طرفندن کوندرلیدر. صکره، عمر وابن عاص کندی حکایه ایدر، دیورکه: — نصلسه اوکیجه لک برنده بکا صواقضا ایتدی، احتلام وقوع بولدی. صباحه یقین اویاندم. باقدم ایش مشکل، صو وار اما غایت صغوق هوا. دوشوندم، اگر صو ایله ییقانیرسه م خسته اوله جغم، تلف اوله جغم، دوشوندم طاشیندم بسم الله دیهرک قوللریمی صیوادم، کوزل بر تیمم ایتدم. صباح نمازینی رفقایه قیلدیردم. [ امیرالجیش کیم ایسه نمازده ده اوامام اوله جق. اک بیوک کیم ایسه امام اولق اونک حق. من القدیم بویله در. ]

نمازی قیلدیردم. حکایه ایتدم. شاشدیلر، تعجب ایتدیلر. — نه یایدک؟ دیدیلر. هیج اولیله اولورمی؟.. عودتمزده حضرت رسوله شکایت ایتدیلر:

— بزه امام اولدی اما قباحت ایتدی...

رسول اکرم افندمن حضورینه چاغیردی:

— باق نه دیورلر یا عمرو؟ دیدی، سن بویله برشی یا پیشک. — اوت، یا رسول الله، هوا یک صغوق ایدی. دوشوندم طاشیندم صو ایله ییقانیرسه م خسته اوله جغم، تلف اوله جغم. «ولا تقتلوا انفسکم» آیت جلیله سی ده خاطریمه کلدی. بنده بویله اجتهاد ایتدم. رسول اکرم افندمن تبسم بیوردی. «نیچون اولیله یایدک؟» دیمدی. مساعده دربو. صکره فقهاده تجویز ایدرلریا! قیرلرده اولورسه مساعده ایدرلر. فقط شهر ایچنده اولماز. شهر ایچنده غسل ایچون تیمم اولماز. صوینی دوکوندن صو کرا الثجا ایدیله جک بریر البت بولونور.